



Oranjestad, 1 di Februari, 2021

Carta habri pa nos Minister di Labor

Su Excelencia,

Pronto lo toca un aña cu e promer restaurantnan a sera na Maart 2020 como parti di e lockdown causa pa Covid-19. Nos por wak bek ariba un aña cu hopi desafio unda nos sector a confronta oranan di apertura y sera diferente, shelter in place, restriccion di cantidad di persona na mesa, y varios operador di food & beverage a sera e ultimo aña mientras algun no a habri nan porta ainda.

Nos por wak bek tambe ariba e hecho cu desde maart di 2020 **NINGUN** reunion a tuma lugar cu su persona como Minister di Labor. Cu tampoco un reunion di Tri-Partite a wordu convoca aunke e peticion pa un reunion di Tripartite ta bai bek pa dia 6 di October 2020 cu un agenda. Cu tampoco nos sector a wordo respondi ariba nos peticion pa un reunion, en fin un silencio total di parti di su Ministerio di Labor mientras cu e dificultadnan, e conflictonan y retonan ta acumulando. Ta parce cu e beleid ta uno na unda nos ta bari tur a retonan cu tin bou e tapijt cu e speransa cu nan lo desaparace nan mes. Y retonan tin:

A. Dia 6 di Oktober 2020 a sali un peticion pa un reunion Tri-Partite tuma lugar di parti di varios gremio y a lista e siguiente agenda y a propone "flexibilization of the labor laws" como e topico proximo y muy en especifico:

1. Contrato cu un duracion fiho
2. Pensioen mandatorio
3. Horanan di trabou flexible
4. Reduccion di oranan di trabou
5. Cantidad maximo pa un empleado a base di terminacion di su contrato di trabou.

A confirma recepcion di e carta aki feca dia 7 di Oktober y for di e dia ey no a tende nada mas! Otro retonan:

B. Falta incentivo pa personal den Fase of sin trabou pa drenta servicio di un dunador di trabou. E momento cu un dunador di trabou tuma algun persona den dienst e peso di e sueldo ey ta cai pe 100% ja cu personal inscribi na SVB dia 15 di maart 2020 so ta cualifica pa ricibi loon subsidie.

C. Tambe e formula di otorga subsidio di salario a base di cifranan di 2019 lo no cualifica mas, si dunador nan di trabou un djis mester compara subsidio a base di cifranan di benta basa riba 2020. Ta urgi pa adapta e formula aki ASAP ja cu si no e subsidio lo muri un morto natural y asina hopi negoshi. Nos ta referi tambe na carta di AHATA/ ATIA di 27 di januari cu ta toca e mesun tema dirigi na MINFIN.

D. E terminonan pa otorga permisonan ta tal cu tin hopi empleado cu antes tabatin un permiso ja no ta conta cu AZV door cu nan papelnan ta pa revision na DPL y mientras tanto nan papel no yega Dimas nan no ta conta cu seguro medico. Pa kende su cuenta gastonan medico di un empleado ta core si e contagia seriamente cu Covid?

E. Dunadornan di trabou no mag di despedi empleado pero cu permisonan no otorga no ta keda otro di despedi personal sin permiso mientras cu no tin reserva pa esaki. Mientas tanto tambe hopi pais Latino ta sera pa trafico aereo e personal aki sin permiso no tin otro alternative cu keda Aruba desemplea y posiblemente lo drenta trahando zwart!

E serie di retonan aki solamente por wordo resolvi unda tin dialogo pero mientras cu NO tin dialogo nan lo sigui acumula.

Pa e motibo aki nos sector ta manda pidi pa dialogo urgente pa locual ta flexibilizaion di labor y pa un Tri-Partite tuma lugar lo mas pronto cu ta posibel.

Atentamente,

Jan van Nes

Presidente saliente di AGA (AFBA i.o)